

柳選四家醫案

一家醫術案跋

或問醫者案古有之乎

曰古有之以籍扁鵲倉

公傳所記是也曰驗乎

曰古今不同其品齊輕

重不可得而恚也。然則
柳先生奚為輯是書
也。曰：時近而文顯，時近
則陰陽之沴同，文顯則
質直而易曉，狎且商。

推微眇稱量而出不啻
其自為之也

先生所輯者八家今先
刊者四種其門人王君
吉臣柳君頌餘金君蘭

升句資成之三君守師
法萬風義良之稱述
金君屬叙於余之不知
昏勉贅數語以質世
之善讀書者時

光緒甲辰四月

常熟翁同龢

江陰柳氏惜餘小舍醫學叢書總目

第一種 素問說意

第二種 溫熱逢原上中下三卷

第三種 瘧痢逢原兩卷

第四種 惜餘醫話四卷

第五種 評選靜香樓醫案上下兩卷

第六種 評選繼志堂醫案上下兩卷

第七種 評選環谿草堂醫案上中下三卷

第八種 評選愛廬醫案一卷

第九種 評選琴川醫案三種

第十種 梓賢醫案十六家

第十一種 清芬醫案

第十二種 鴻雪醫案

惜餘小舍評選各家醫案編目次序

內傷雜病 勞倦 七情 脾胃

類中 中風 類中

痿痺 痿躄 痺痛 麻木 拘攣

內風 肝風 痙厥 眩暈

神志 顛狂 癇 怔忡 驚悸 健忘 不寐

痰火

痰飲 飲證 痰閉

欬喘 欬嗽 喘哮 失音 喉痺 肺癰 肺痿

失血 欬血 衄血

虛損

汗

消

諸鬱

氣鬱

嘔噦

嘔吐

噎膈

反胃

呃逆

噎噎

餽雜

伏氣

溫熱

外感

風溫

冒寒

雜感

暑

中暑

傷暑

伏暑

濕

濕熱

寒濕

痧疫

瘟疫

霍亂

時痧

瘡疾

黃痺

痺氣

胸痺

肺痺

腸痺

胞痺

腕腹痛

腕痛

腹痛

少腹痛

厥痛

疝氣

癥癖

癥瘕

積聚

腫脹

鼓脹

痞滿

浮腫

頭痛

頭風

肢體諸痛

肩臂胸背脇肋腰脊骸膝肢節諸痛

諸竅

七竅

咽喉

脚氣

遺精

小便 淋濁 癰閉 洩血

泄瀉

痢疾

大便 便血 痔漏 脫肛 便閉 交腸

蟲 狐惑 諸蟲 蟲毒

內癰

外瘍 雜證 痰癥

婦人 胎前 產後 經帶 雜病

小兒

凡編選醫案其分列門類最難清楚蓋一病中每有兼證錯見既可列於此門亦可入於彼類也此次擬定總目四十而以子目分註於下凡集中錄案多者標明總目分門編列如錄案無多卽不復分標門類而編列前後則仍依此目爲序以便讀者可依目檢尋也

江陰柳氏醫學叢書之五

評選靜香樓醫案兩卷

此案爲尤在涇先生所著先生名怡字在涇自號
飼鶴山人江蘇長洲縣人邃於醫學於仲景書尤
能鑽研故訓獨標心得時吳下以醫名者如葉氏
桂徐氏大椿王氏子接均煊耀一時先生與之聯
鑣接軫輝映後先於醫道中可謂能樹一幟者所
著有傷寒論貫珠集金匱心典醫學讀書記均刊
行惟此案未經授梓其附刻於讀書記後者僅有
三十餘條非全本也此本爲吾邑吳氏所鈔藏咸

豐兵燹後

論

於詹文橋張氏齋頭見之假歸鈔錄

復就其中選精粹者得十之五評錄如左分上下
兩卷竊念近時醫學荒廢其簡陋剽襲毫無心得
者無論已間有鑽研古籍不知通變者動輒以仲
景爲家法而咎今人不能用古方目爲庸陋其實
古方今病往往柄鑿不相入執而用之僨事者多
矣及讀先生此案而不覺憬然有悟也先生博極
羣籍尤服膺仲景之書所著傷寒論金匱兩注上
溯仲景心傳獨抒己見讀其書者無不知先生之
於仲景不啻升其堂而入其室已乃觀此案論病

則切理鑿心源流俱澈絕不泛引古書用藥則隨
證化裁活潑潑地從不蹈襲成方可見食古期乎
能化裁制貴乎因時彼徒執古書者不且與王安
石之周官房琯之車戰其弊適相當哉是故讀他
人之案有不用古方者或猶疑其服古未深未能
得力於仲景也若先生則讀書不可謂不多用功
不可謂不切其沈酣於仲景之書尤不可謂其不
深乃其論病之平易近情也如是立方之妥帖易
施也如是是則此案不第爲治病之良規并可爲
讀古之心法已用書之以藩後之讀此案者光緒

二十六年庚子二月下旬江陰後學柳寶詒識

評選靜香樓醫案上卷

江陰柳氏醫學叢書之五

長洲尤怡在涇著

江陰柳寶詒穀孫選評

及門諸子參校

內傷雜病門

○陰虧於下。陽浮於上。服八味丸不效者。以附子走竅。不能收納耳。宜加減法。

桂都氣丸

詒按。議論精細。可為用藥者開一悟境。

○肝陽盛。肝陰虛。吸引及腎。腎亦傷矣。益肝體。損肝用。

滋養腎陰。俾水木相榮。病當自愈。

生地 白芍 小蘗 赤芍 當歸 血餘 丹皮

阿膠 甘草 茅根

論按此必因肝火而見血者。故方藥如此。

○左關獨大。下侵入尺。知肝陽亢甚。下吸腎陰。陰愈虧。則陽益張矣。滋水清肝。乃正法也。

知藥入味丸加天冬 龜板 杞子

論按方中似宜再增清肝之品。

○陰不足者。陽必上亢。而內燔。欲陽之降。必滋其陰。徒恃清涼無益也。

生地 知母 甘草 黑梔 麥冬 元參

丹皮 地骨皮

詒按案語精粹有名雋氣

○腎精不足肝火乘之故有筋攣骨痠耳聾二陰氣出等證夫肝火宜泄腎精宜悶於一方之中兼通補之法庶幾合理然非旦夕所能奏功也

生地 川棟子 茯苓 阿膠 丹皮 女貞子

詒按論病深中肯綮方中可增白芍牡蠣

○肝陰不足肝火偏勝傷肺則欬自傷則脇痛

阿膠 兜鈴 丹參 炙草 歸身 白芍

玉竹 川斛

詒按既有脇痛見證似當兼與通絡清肝宜加丹皮山梔青皮橘絡旋覆等味

○咯血脇痛項下有核脈數惡熱咽痛便溏此肝火乘脾之證反能食者脾求助於食而又不能勝之則痞耳治在制肝益脾

白芍 茯苓 川連 牡蠣 炙草 木瓜

益智 阿膠

詒按論病明快方中擬加丹梔夏枯草

○飲食既少血去過多陰氣之傷益已甚矣茲復憂勞

驚恐。志火內動。陰氣益傷。致有心煩體痛。頭疼等證。是當滋養心肝血液。以制浮動之陽者也。

生地 石斛 麥冬 丹皮 元參 知母

茯苓 甘草

詒按肝陰既虧。肝火上升。宜再加歸芍以滋養之。羚羊菊梔以清泄之。

○肝藏失調。侵脾則腹痛。侮肺則乾欬。病從內生。非外感客邪之比。是宜內和藏氣。不當外奪衛氣者也。但脈弱而數。形瘦色槁。上熱下寒。根本已漓。恐難全愈。

歸身 白芍 炙草 茯苓 桂枝 飴糖

詒按此內補建中法。宜於腹痛而不宜於乾欬。宜加清肝保肺之味。乃為周匝。

○形盛脈充。兩尺獨虛。下體麻痺。火浮氣急。此根本不固。枝葉雖盛。未足恃也。

熟地 山藥 沙苑 杞子 丹皮 茯苓

桑椹 牛膝

詒按如此脈證。似可參用腎氣法。以溫攝之。

○真陽以腎為宅。以陰為妃。腎虛陰衰。則陽無偶而蕩矣。由是上炎則頭耳口鼻為病。下走則膀胱二陰受傷。自春及秋。屢用滋養清利之劑。欲以養陰而適以傷陽。

不能治下。而反以戕中。內經所謂熱病未已。寒病復起者。是也。鄙意擬以腎氣丸直走少陰。據其窟宅而招之。同聲相應。同氣相求之道也。所慮者病深氣極。藥入不能制病。而反爲病所用。則有增劇耳。

腎氣丸

論按立論透切。醫案中僅見之作。

○真陽氣弱。不榮於筋。則陰縮。不固於裏。則精出不衛。於表則汗泄。此三者。每相因而見。其病在三陰之樞。非後世方法可治。古方八味丸。專服久服。當有驗也。

八味丸

論按見識老到議論明確此爲可法可傳之作

○胃寒背冷食入則倦喜溫惡清以背爲陽位胃爲陽土土寒則食不運陽傷則氣不振也治宜溫養陽氣

人參 桂枝 益智仁 厚朴 炮薑

茯苓 炙草 白朮

詒按此溫中和氣平正通達之方

○中氣虛寒得冷則瀉而又火升齒衄古人所謂胸中聚集之殘火腹內積久之沈寒也此當溫補中氣俾土厚則火自斂

四君子湯加益智仁 乾薑

詒按議病立方。均本喻氏。近時黃坤載亦有此法。

類中門

○類中偏左。於法爲逆。猶幸病勢尙輕。可以緩圖取效。原方補少通多。最爲合理。惟是陽脈則緩。陰脈則急。所以指節能屈不能伸。此亦病之關鍵處。不可忽也。經云。肝苦急。宜食甘以緩之。於前方中。增進陰藥之甘潤者。一二。更爲美備。

人參 茯苓 半夏 白朮 炙草 橘紅

麥冬 竹瀝 薑汁

詒按此六君加麥冬竹瀝薑汁也。

再診 加當歸

○脈虛而澹。左半手足麻痺。食不知味。此氣血不能運行周體。乃類中之漸也。

桂枝 茯苓 歸身 半夏 炙草 黃耆

天麻 首烏

詒按滋養疎化虛實兼到

○內風本皆陽氣之化。然非有餘也。乃二氣不主交合之故。今形寒跼冷。似宜補陽爲是。但景岳云。陽失陰而離者。非補陰無以攝。既散之元陽。此證有升無降。舌絳牽掣。瘡不出聲。足蹙不堪行動。當與河間肝腎氣厥同。

例參用丹溪虎潛法

熟地 萸肉 牛膝 鎖陽 虎骨 龜板

詒按持論明通立方簡當

再診 地黄飲子去附子加鹿鞭子煎膠打丸

○熱風中絡口歪舌蹇咽痛治以清滋

羚羊角 元參 鈎藤 甘菊 甘草

石菖蒲 生地 竹瀝

再診 生地 阿膠 麥冬 知母 貝母 甘菊

甘草 元參

三診 咽喉乾痛滋清不愈宜從降導

腎氣丸 淡鹹湯送下

詒按先清之繼滋之終用引火下行之法步伐井然凌躡急功者可取法焉

○方書每以左癱屬血虛右瘓屬氣虛據述頻年已來齒疼舌赤常有精濁納穀如昔卒然右偏肢痿舌強口喎語蹇脈浮數動此乃肝腎兩虛水不涵木肝風暴動神必昏迷河間所謂肝腎氣厥舌瘖不語足痺無力之證但腎屬坎水真陽內藏宜溫以攝納而肝藏相火內寄又宜涼以清之溫腎之方參入涼肝是爲複方之用

地黃飲子去桂附 加天冬 阿膠

論按卽古法而化裁之。參詳脈證。斟酌盡善。

○寒熱後邪走手少陰之絡。猝然不語。肩背牽引不舒。宜辛以通之。

菖蒲 遠志 甘草 木通 當歸 丹皮

丹參 茯苓

論按方法輕靈。恰合餘邪入絡治法。

○脈濡按之則弦。右肩及手指麻木。兩腿痠癢。難以名狀。此脾飲肝風相合爲病。乃類中之漸。不可不慎。

首烏 天麻 刺蒺藜 羚羊角 炙草

茯苓 半夏 白芍 丹皮 廣皮 薑汁和竹瀝

泛丸

論按以二陳薑汁竹瀝除痰飲以丹芍羚羊痰首烏
天麻治肝風兩層俱到就見證論歸身牛膝橘絡
亦可加入

痿痺門

○脈虛而數兩膝先軟後腫不能屈伸此溼熱乘陰氣
之虛而下注久則成鶴膝風矣

生地 牛膝 茯苓 木瓜 丹皮 薏仁

山藥 萸肉 澤瀉 草薢

論按正虛着邪故補散宜並用溼而兼熱故滋燥

不可偏此以六味治陰虛。增入牛膝木瓜薏仁草
薺以除溼熱。所謂虛實兼顧也。

內風

○肢麻頭運此肝病也。便澹食減脾亦病矣。宜節勞養
氣毋致風動為佳。

羚羊角 白朮 刺蒺藜 茯苓 炙草

天麻 白芍 麝皮

詒按肝脾兩治方法周到

○眩運嘔惡胸滿小便短而數口中乾水虧於下風動
於上飲積於中病非一端也。

羚羊角 細生地 鈎勾 天麻 茯苓

廣皮 半夏 竹茹

詒按病非一端方卻打成一片非熟於制方之義者不能擬再增生牡蠣

再診 前方去生地 加麥冬

三診 人參 茯苓 麥冬 羚羊角 天麻

半夏 炙草 石斛 廣皮

○肝陰不足則火動生風脾失健運則液聚成痰調理肝脾當漸愈也

半夏 茯苓 廣皮 鈎勾 生地 竹瀝

麻仁汁

論按案屬通論方中宜加用白芍方能顧到肝經

再診 和養中氣

人參 陳皮 生穀芽 石斛 茯苓 木瓜

○肝陽化風逆行脾胃之分胃液成痰流走肝膽之絡
右腿麻痺胸膈痞悶所由來也而風火性皆上行故又
有火升氣逆鼻衄等證此得之飢飽勞鬱積久而成非
一朝一夕之故也治法清肝之火健脾之氣亦非旦夕
可圖已

羚羊角 廣皮 天麻 甘草 枳實 半夏

茯苓 白朮 麥冬

論按持論明通。立方周匝。看似平淡無奇。實非老
手不辦。○亦當加入白芍。

○此肝風挾痰上逆之證。肢冷自汗。有似陽脫。實非脫
也。目與唇口牽引。時復歌笑。治宜先卻邪氣。而後養正。
羚羊角 白茯苓 竹茹 鬱金 半夏

甘草 鈎勾 橘紅

論按治法的當。○時復歌笑。是心藏受邪之象。葛
蒲遠志膽星。清心牛黃丸之類。均可選人。

○肝屬風木。性喜衝逆。其變動為振搖強直。其治法宜

柔木熄風

細生地

鈎勾

歸身

茯苓

阿膠

天麻

羚羊角

山藥

柏子仁

刺蒺藜

論按此方可加木瓜白朮

○脾失運而痰生。肝不柔而風動。眩運食少。所由來也。

白朮

天麻

首烏

廣皮

半夏

羚羊角

茯苓

鈎勾

論按案語簡鍊。方亦純淨。

○四肢稟氣於脾胃。脾胃虛衰。無氣以稟。則為振顛。上

虛木必搖。故頭運也。

歸芍六君子湯加黃耆 天麻

論按案語說理樸實。立方以扶正為主。似宜再加
熄風之品。其所加之黃耆。恐非肝風升動者所宜。
○木旺乘土。土氣不宣。痰涎鬱聚。傳走經絡。故頭旋脚
弱。有似虛象。實則未可徒補也。

首烏 橘紅 茯苓 薏仁 木瓜 釣藤

刺蒺藜 半夏 炙草

論按首烏似嫌其瀉。不如用生於朮為安。擬再
加牛膝竹瀝薑汁。

神志門

○驟爾觸驚。神出於舍。舍空痰入。神不得歸。是以有恍惚昏亂等證。治當逐痰以安神藏。

半夏 膽星 鈎藤 竹茹 茯神 橘紅

黑梔 枳實

詒按。敘病如話如畫。此等方案。非有切實功夫者。不能所謂成如容易。卻艱辛也。

○驚悸易泄。腰疼足軟。有似虛象。而實因痰火。蓋脈不弱數。形不枯瘁。未可遽與補也。

半夏 炙草 秫米 橘紅 茯苓 竹茹

遠志 石菖蒲

論按此稊夏合溫膽加味也。認證既確，立方自然入殼。

○搖擗厥逆。合目則發。此肝膽痰熱得之驚恐。病名癩厥。

半夏 橘紅 竹茹 膽星 炙草 石菖蒲

枳實 茯苓

論按痰火之邪，因驚恐而直犯肝膽，故見證如此。卧則陽氣入於陰，合目則發，是陽氣擾動陰藏，致痰火猝發而病作也。方中擬加羚羊角黃連。

○驟驚恐懼，手足逆冷，少腹氣衝，卽厥。陽縮汗出，下元

素虧收攝失司。宜乎山陽以鎮納。第消渴心悸。忽然腹
中空洞。此風消肝厥見象。非桂附剛劑所宜。

炒黑杞子 舶茴香 當歸 紫石英 細辛

桂枝

詒按風消肝厥之證。當於溫養中。佐以滋陰。方中
細辛一味。不識何意。愚意再加牛膝白芍牡蠣。

○肝火挾痰上逆。爲厥顛疾。

半夏 鈎藤 茯苓 枳實 廣皮 竹茹

鬱金 羚羊角

詒按方極清穩。

痰飲門

○肺飲

紫苑 半夏 桑皮 白前 杏仁

詒按飲邪在肺不及於胃故專用肺藥

○飲邪射肺為欬

半夏 杏仁 乾薑 北五味 白芍 炙草

茯苓 桂枝

詒按此治飲正法也

○秋冬欬嗽春暖自安是腎氣收納失司陽不潛藏致水液變化痰沫隨氣射肺擾喉喘欬不能卧息入夜更

重。清晨稍安。蓋痰飲乃水寒陰濁之邪。夜爲陰時。陽不用事。故重也。仲景云。飲病當以溫藥和之。金匱飲門。短氣倚息一條。分外飲治脾。內飲治腎。二藏陰陽含蓄。自然潛藏固攝。當以腎氣丸方。減牛膝肉桂。加骨脂以斂精氣。若以他藥發越陽氣。恐有暴厥之慮矣。

腎氣丸減牛膝肉桂 加補骨脂

詒按此案推闡病原極其精鑿。

○往昔壯年久寓閩粵南方陽氣易泄。中年以來內聚痰飲。交冬背冷喘嗽。必吐痰沫。胃脘始爽。年逾六旬。惡寒喜暖。陽分之虛亦所應爾。不宜搜逐攻劫。當養少陰。

腎藏仿前輩水液化痰阻氣以致喘嗽之例。

腎氣丸減牛膝肉桂 加北五味 沉香

詒按議論明確立方亦極精當。

○久遺下虛秋冬欬甚氣衝於夜上逆不能安卧形寒足冷顯然水泛而爲痰沫當從內飲門治若用肺藥則謬矣。

桂枝 茯苓 五味 炙草 白芍 乾薑

詒按古人云內飲治腎據此證情似可兼服腎氣丸以攝下元。

○肝風與痰飲相搏內壅藏府外閉竅隧以致不寐不

飢肢體麻痺。迄今經年。脈弱色悴。不攻則病不除。攻之則正益虛。最爲棘手。

鈎藤 菖蒲 刺蒺藜 遠志 竹瀝 鬱金

膽星 天竺黃 另指迷茯苓丸臨卧服

詒按病屬難治。而立方卻周匝平穩。非學有本原者。不能辦此。

○肝陽因勞而化風。脾陰因滯而生痰。風痰相搏。上攻旁溢。是以昏運體痛等證見也。茲口膩不食。右關微滑。當先和養胃氣。蠲除痰飲。俟胃健能食。然後培養陰氣。未爲晚也。

半夏 秫米 麥冬 橘紅 茯苓

詒按審察病機以為立方步伐臨證者宜取法焉

次喘門

○風熱不解襲入肺中為欬為喘日晡發熱食少體倦
漸成虛損頗難調治勉擬錢氏阿膠散冀其肺寧喘平
方可再商他治

阿膠 茯苓 馬兜鈴 薏米 杏仁 炙草

糯米 芡實

再診 青蒿 丹皮 鱉甲 茯苓 石斛 甘草

歸身 廣皮 白芍

論按此正虛而兼感外邪之證。乃內傷挾外感病也。

○久嗽脈不數，口不乾，未必卽成損證。此爲肺飲鬱伏不達故也。

厚朴 煨薑 桑皮 杏仁 廣皮 甘草
半夏

論按此屬飲寒傷肺，乃內因之實證也。

○體虛邪滯，肺絡不清，脈弦而細，幸不數耳。

沙參 桑葉 杏仁 茯苓 馬兜鈴 貝母
甘草 杭米

詒按案語得看病之竅最宜留意。

○肺陰不足肺熱有餘。欬則涕出。肌體惡風。此熱從竅泄而氣不外護也。他藏雖有病。宜先治肺。

阿膠 貝母 沙參 馬兜鈴 杏仁 茯苓

炙草 糯米

詒按此等證虛實錯雜。若粗工爲之。或與疏散。或與補瀉。均足致損。

○肺病以中氣健旺能食便堅爲佳。茲喘欬已久而大便易澆。能食難運。殊非所宜。診得脈象與前無異。但能節飲食。慎寒煖。猶可無虞。

沙參 貝母 炙草 杏仁 薏仁 橘紅

枇杷葉

又丸方 六味丸加五味子 肉桂

詒按不刊之論讀者最宜記好

○欬嗽食後則減此中氣虛餒所致治宜培中下氣法

人參 半夏 秠米 南棗 麥冬 炙草

枇杷葉

詒按此證不甚多見學者須記之

○久嗽便溏脈虛而數脾肺俱病培補中氣為要恐後

泄不食則瘦削日增也

人參 白芍 扁豆 薏仁 廣皮 茯苓

炙草 山藥 蜜炙炮姜炭

詒按此亦脾肺兩治之法。較前數方爲切實。亦以此證中氣虛寒。無咽乾渴瀉等。虛熱亢炎之證。故用藥稍可着力耳。然欲求效難矣。

○陰虛於下。陽浮於上。欬喘火升。甚於暮夜。治肺無益。法當補腎。

熟地 杞子 天冬 白芍 茯苓 山藥

丹皮 龜板

詒按此方卽胡桃五味均可加入。

○乾欬無痰是肝氣衝肺非肺本病仍宜治肝兼滋肺氣可也。

黃連 白芍 烏梅 甘草 歸身 牡蠣

茯苓

詒按方中少潤肺之品擬加北沙參桑白皮再肝之犯肺必挾木火梔丹亦應用之藥也。

○風傷於上濕傷於下上為欬嗽痰多下為跗腫痠痛宜先治上而後治下。

薄荷 杏仁 桔梗 旋覆花 甘草 象貝

運翹 前胡

論按肺主一身之治節故以治肺爲先

○欬甚於夜間肌熱於午後此陰虧也濁痰欬唾鼻流清涕是肺熱也病本如是奏功不易擬甘鹹潤燥法

阿膠 燕窩 沙參 海浮石 瓜蒌霜 川貝

杏仁 甘草

論按此證痰必乾黏故用藥如是

○內熱與外熱相合肺胃受之則欬而不能食頭脹肌熱心煩宜清上中二焦

竹葉 蘆根 花粉 杏仁 貝母 知母

桔梗 橘紅

論按此外感溫燥之欬故專用清泄

○脈細數促是肝腎精血內耗欬嗽必吐嘔清涎濁沫此衝脈氣逆自下及上氣不收納喘而汗出根本先撥藥難奏功醫若見血爲熱見嗽治肺是速其凶矣

人參 秋石製 熟地 五味子 紫衣胡桃

論按此難治之證在欬嗽門中亦別是一種也

○脈虛數顛紅聲低欬甚吐食晡時熱升多煩躁此肝腎陰虧陽浮於上精液變化痰沫病已三年是爲內損非消痰治嗽可愈固攝下焦必須絕慾以飲食如故經年可望其愈

都氣丸加女貞子 枸杞子 天冬

詒按用藥頗為切實

○脈微小形寒久嗽失音是氣餒陽損議固胃陽取甘
溫之屬

蜜炙生薑 炙草 白芍 黃耆 大棗

詒按此亦虛欬中另一法門

○咽痛聲啞有肺損肺閉之分所謂金破不鳴金寶亦
不鳴也此證從外感風熱而來當作閉治溫補非宜所
慮者邪不外達而內併耳

阿膠 杏仁 桔梗 貝母 牛蒡 元參

甘草 粳米 馬兜鈴

詒按此錢氏補肺之類。乃虛實兼治之法。

○用復脈甘潤法。噲止音出。得益水濡潤之力也。無如胃弱便澹。此藥不宜再用。仿金匱麥門冬湯義。取養土之陰。以生肺金。

麥門冬湯

詒按此用藥轉換法也。

○久欬便澹腹滿。脾肺同病。已屬難治。况脈數口乾潮熱。肝腎之陰亦不足耶。

白芍 薏仁 茯苓 蓮肉 炙草 廣皮

扁豆

詒按病重藥輕恐難奏效且於肝腎亦未顧到擬

加用水泛六味丸一兩絹包入煎

○欬而吐沫食少惡心動作多喘中氣傷矣非清肺治欬所能愈也

人參 半夏 麥冬 炙草 茯苓 杭米

大棗

詒按此胃虛欬嗽也方宗金匱大半夏麥門冬兩

湯之意

○欬而嘔陰不足火內動也惡心不食宜先治胃

竹茹 粳米 廣皮 石斛 貝母 杏仁

詒按既有火動而衄見證宜兼清降

○浮腫欬喘頸項強大飲不得下溺不得出此肺病也
不下行而反上逆治節之權廢矣雖有良劑恐難奏效

葶藶大棗瀉肺湯

詒按此痰氣壅阻之證故重用瀉肺之劑

○脈寸關大而尺小口乾上氣不下足冷不溫此陽氣
不潛當用陰中陽藥治之

六味丸加牛膝 車前 五味 肉桂

詒按此兼腎氣都氣兩方之意

○脈數減欬亦緩。但浮氣不得全歸根本。宜補益下焦。以爲吸受之地。

六味丸加五味子 兔絲子

又丸方六味丸加五味子 杜仲 芡實 蓮鬚

兔絲子 杞子 蜜丸每服五錢

詒按議論穩實方亦妥帖

○氣喘足冷至膝。唇口乾。鼻塞。脈虛小。下氣上逆。病在根本。勿以結痰在項而漫用清剋也。

腎氣丸三錢鹽花湯送下

詒按識見老當

○久欬喘不得卧。顴赤足冷。胸滿上氣。飢不能食。此肺實於上。腎虛於下。脾困於中之候也。然而實不可攻。姑治其虛。中不可燥。姑溫其下。且腎爲胃關。火爲土母。或有小補。未可知也。

金匱腎氣丸

詒按擬再用旋覆代赭湯送下。則上中兩層亦可關會矣。

○兩寸浮大。關尺沈小。氣上而不下。喘欬多痰。肝腎之氣上衝於肺。宜以腎氣丸補而下之。

腎氣丸

治按此治本之法

○下虛上實當治其下○勿清其上○真氣歸元○痰熱自降○宜以十味腎氣丸主之

十味腎氣丸

治按識見卓老

失血門

○絡熱血溢○時氣所觸○非陰虛火浮之比○慎勿以滋膩治也

荆芥 丹皮 羌蔚子 丹參 鬱金 藕汁

細生地 小蘗炭

詒按。勘證用藥。老眼無花。

○吐血得勞與怒。卽發。脈小數微噎。病在肝心。得之思慮勞心。宜早圖之。勿使延及肺家。則吉。

阿膠 丹皮 牛膝 丹參 小薊炭 三七

藕汁 童便

詒按。此治吐血之正法。能止血而無留瘀之弊。最爲穩當。

再診 前方去丹參三七。藕汁童便。加生地。

白芍 芫蔚子

又丸方 六味丸加阿膠 五味子 小薊炭

蓮鬚 水泛丸

○失血欬逆。心下痞滿。暮則發厥。血色黯。大便黑。肝脈獨大。此有瘀血積留不去。勿治其氣。宜和其血。

製大黃 白芍 桃仁 甘草 當歸 丹皮

降香

論按此專治瘀積之法。

○病後失血。色紫黑不鮮。此係病前所蓄。胸中尚滿。知瘀猶未盡也。正氣雖虛。未可驟補。宜順而下之。

小蘗炭 赤芍 生地 犀角 鬱金 丹皮

芫蔚子 童便

詒按此必尙有鬱熱見證故方中用犀角既有留
瘀未盡可加醋炙大黃炭

○凡有瘀血之人其陰已傷其氣必逆茲吐血紫黑無
多而胸中滿悶瘀猶未盡也而舌絳無苔此陰之虧也
嘔吐不已則氣之逆也且頭重足冷有下虛上脫之慮
惡寒譫語爲陽弱氣餒之徵此證補之不投攻之不可
殊屬棘手

人參 茯苓 三七 吳萸 烏梅 牡蠣

川連 鬱金

詒按論病則層層俱透用藥亦步步着實此爲高

手。

○失血後氣從下逆上。足冷頭熱。病在下焦。真氣不納。

六味丸加五味 牛膝 牡蠣

詒按方亦妥當。若再進一層。可用金匱腎氣法。以導火下行。

○血去過多。氣必上逆。肺被其衝。故作欬嗽。此非肺自病也。觀其衝氣甚則欬甚。衝氣緩則欬緩。可以知矣。擬攝降法。先治衝氣。

金匱腎氣丸去肉桂 加牡蠣

詒按認證獨的法亦老當。

○脈寸靜尺動。屢經失血。覺氣從下焦上衝。則喘勞動。則氣促不舒。此病不在肺而在腎。治嗽無益。宜滋腎陰。

熟地 天麻 牡蠣 茯苓 杞子 萸肉

五味子

論按病與上條相同。方中用天麻。不知何意。

○心脈獨大。口乾易汗。善怒血逆。此心陰不足。心陽獨亢。宜犀角地黄湯。

犀角 地黄 湯加茅根 甘草 山梔

論按方案均精簡熨帖。

○痰中有血點散漫。此心病也。口乾心熱。當是傷暑。因

暑喜歸心故耳

生地 茯神 扁豆 甘草 丹皮 竹茹

麥冬 藕汁

詒按方法清靈可喜

○葛可久論吐血治法每於血止痰消之後用獨參湯以益心定志茲以陰藥參之慮其上升而助肺熱也

人參 沙參 生地 阿膠 牛膝 茯苓

詒按此失血後服人參一定之法

○勞傷失血心下痛悶不當作陰虛證治但脈數欬嗽潮熱恐其漸入陰損一途耳

生地 桃仁 查炭 鬱金 赤芍 製大黃
甘草 丹皮

論按此證如早服補瀉則留瘀化熱最易致損須
看其虛實兼到絕不犯手

○陰不足而陽有餘肝善逆而肺多鬱脈數氣喘欬逆
見血脇痛治宜滋降更宜靜養不爾恐其血逆不已也

小生地 荆芥炭 白芍 童便 鬱金 藕汁
小蘗炭

論按此亦氣火上逆之證可加牛膝丹皮

○離經之血未淨而鬱於內寒熱之邪交煽而亂其氣

是以腹滿嘔泄寒熱口燥治當平其亂氣導其積血元氣雖虛未可驟補也

丹皮 查炭 澤蘭 赤芍 鬱金 丹參

牛膝 小薊

詒按此證挾外感之邪可加荆芥炭黑穉豆衣

○久欬見血習瘖咽痛乍有寒熱此風寒久伏傷肺成勞擬錢氏補肺法聲出則佳

阿膠 杏仁 馬兜鈴 牛蒡 薏仁 貝母

糯米

又膏方 阿膠 貝母 甘草 橘紅 杏仁

蘇子 米糖 白蜜 薑汁 紫苑 木通

梨汁 桔梗 牛膝 蘿蔔汁 茯苓

論按此正虛邪實之證。用藥能兩面兼顧。尚稱穩
適。

虛損調

○虛損至食減形瘦。當以後天脾胃為要。異功散五六
服。頗得加穀。今春半地氣上升。肝木用事。熱升心悸。汗
出復欬。欬甚見血。肝陽上熾。絡血遂沸。昨進和陽養陰
之劑。得木火稍平。仍以前方加白芍制肝安土。

生地 白芍 麥冬 阿膠 女貞子 甘草

詒按方亦穩合可加牡蠣丹皮

○羅氏論虛勞之證多因邪伏血鬱而得不獨陰虧一端也臨晚寒熱時減時增其為陽陷入陰可知滋腎生肝最為合法略加損益不必更張也

熟地 白芍 茯苓 丹皮 山藥 柴胡

炙草 鱉甲

詒按於養陰中加柴胡以達邪佐鱉甲以搜陰虛實兼到極為靈巧然既云邪伏血鬱似宜加當歸再診熱漸減頭中時痛脈數不退喉中痰滯不清

青蒿 丹皮 熟地 鱉甲 炙草 牛膝

茯苓 小麥

論按似當兼清痰滯。○兩方中熟地不如改用生地為穩。

三診 體雖不熱。脈仍細數。宜養陰氣。

六味丸去萸肉澤瀉 加白芍 牛膝

青蒿 鼈甲

○面鰲形瘦。脈虛而數。欬嗽氣促。腰膝無力。大便時瀉。此先後天俱虛。慮其延成虛損。清潤治肺之品。能戕中氣。勿更投也。

紫河車 熟地 山藥 萸肉 五味子 丹皮

茯苓 杜仲 澤瀉 牛膝 加蜜丸每服五錢

治按案語得治虛要旨方亦精當

○絡脈空隙氣必游行作痛最慮春末夏初地中陽氣上升血隨氣溢趁此綢繆當填精益髓蓋陰虛欬嗽是他藏累及於肺若治以清涼不獨病不去而胃傷食減立成虛損難為力矣

熟地 金櫻子膏 鹿角霜 五味子 湘蓮子

黃肉 山藥 茯苓 海參 漂淨熬膏

右為細末即以二膏搗丸

治按此必有遺精腰痠等證故用藥亦不重在欬

嗽也。

汗病門

○汗出偏沮。腠來不柔。時自歇止。知肝陽有餘。而胃陰不足。於是稠痰濁火。擾動於中。壅滯於外。目前雖尙安和。然古人治未病。不治已病。知者見微。知著。須加意調攝。爲當。

人參 川石斛 麥冬 南棗 製半夏 丹皮

茯苓 炙草 小麥

論按此想係左半有汗。右半無汗之證。細釋案語。是防其將患偏非之意。

○心陰不足。心陽易動。則汗多善驚。腎陰不足。腎氣不固。則無夢而泄。以汗爲心液。而精藏於腎。故也。

生地 茯神 甘草 麥冬 川連 柏子仁

元參 小麥 大棗

詒按案語。心腎並重。方藥似專重於心。再加五味子。牡蠣。沙苑等。攝腎之品。則周匝矣。

諸鬱問

○中年脫悶。多噯多欬。此氣鬱不解也。納穀已減。未可破泄耗氣。宜從胸痺例。微通上焦之陽。

薤白 瓜蒌 半夏 桂枝 茯苓 薑汁

治按方法輕靈。

○鬱氣凝聚喉間吞不下吐不出梅核氣之漸也。

半夏 厚朴 茯苓 蘇梗 旋覆花 橘紅

枇杷葉 薑汁

治按此於金匱成方中加旋覆杷葉最有巧思。

○寒熱無期中脘少腹遽痛此肝藏之鬱也鬱極則發爲寒熱頭不痛非外感也以加味逍遙散主之。

加味逍遙散

治按此木鬱達之之法。

○病從少陽鬱入厥陰復從厥陰逆攻陽明寒熱往來。

色青顛頂及少腹痛。此其候也。泄厥陰之實。顧陽明之虛。此其治也。

人參 柴胡 川連 陳皮 半夏 黃芩

吳萸 茯苓 甘草

治按此從左金逍遙化裁而出。若再合金鈴子散似更周到。

○此血鬱也。得之情志。其來有漸。其去亦不易也。

旋覆花 薤白 鬱金 桃仁 代赭石 紅花

治按此必因血鬱而絡氣不通。有胸隔板痛等見證。故立方如此。

嘔噦門

○胃虛氣熱乾嘔不便

橘皮竹茹湯 加蘆根 粳米

再診 嘔止熱退

石斛 茯苓 半夏 廣皮 麥冬 粳米

蘆根 枇杷葉

三診 大便不通

生首烏 元明粉 枳殼

四診 大便通脈和惟宜滋養

石斛 歸身 秦朮 白芍 丹皮 炙草

茯苓 廣皮

詒按迭用四方。運意靈巧。自能與病機宛轉相赴。○下既不通。勢必上逆而為嘔。所謂幽門之氣上衝。吸門是也。治法自當療下。但脈小目陷。中氣大傷。宜先安中止嘔。嘔定再商。

人參 茯苓 刺蒺藜 竹茹 半夏 廣皮

蘆根 石斛

詒按似當兼通幽門。乃能止嘔。擬加生枳實。

○痛嘔之餘。脈當和緩。而反搏大。頭運欲嘔。胸滿不食。神倦欲卧。慮其土墮木張。漸致痙厥。法當安胃清肝。亦

古人先事豫防之意。

半夏 茯苓 廣皮 白風米 鈎簾 竹茹

枇杷葉 鮮佛手

詒按議論極是。但恐藥力不足以濟之。然方卻清穩。○所謂清肝者。只不過鈎簾竹茹而已。擬再加木瓜白芍。較似有丸。

○病從肝起。繼乃及胃。茲又及於肺矣。然當以胃氣爲要。久病之體。必得安穀不嘔。始可圖功。

石斛 蘆根 茯苓 麥冬 廣皮 木瓜

枇杷葉 粳米

詒按敘病簡要清澈非續學者不能方亦中窾

○胃有火邪故嘔而不食膽有熱邪故合目自汗

橘皮竹茹湯 加石斛

詒按山梔必不可少以其專清膽熱故也川連亦

在應用之列

再診 前方去石斛 加木瓜

○嘈雜得食則已此痰火內動心胃陰氣不足

生地 山梔 半夏 麥冬 茯苓 丹皮

竹茹 炙草

詒按陰虛而挾痰者用藥最難恰好方中可加石

斛廣皮。

○痰氣阻逆咽隘時自嘔惡此證利在清降失治則成噎隔。

半夏 枇杷葉 旋覆花 竹茹 茯苓 麥冬

橘紅 鬱金 生薑

詒按用藥靈動。

○氣鬱痰凝阻隔胃脘食入則噎脈濇難治。

旋覆花 代赭石 橘紅 半夏 當歸 川貝

鬱金 枇杷葉

詒按旋覆代赭為噎隔正方食入則噎肺氣先鬱。

故加鬱貝枇杷葉。惟脈瀆者正虛。可加人參。

○脈疾徐不常。食格不下。中氣大衰。升降失度。

旋覆花 代赭石 麥冬 茯苓 半夏 廣皮

人參 枇杷葉

詒按此因中氣大傷。故用參麥。

○朝食暮吐。肝胃克賊。病屬反胃。

旋覆花 代赭石 茯苓 半夏 吳萸 生薑

杭米 人參 枇杷葉

詒按此專治吐。故加薑莖。

○穀之不入。非胃之不納。有痰飲以阻之耳。是當以下

氣降痰爲法。代赭之用。先得我心矣。

旋覆代赭湯

詒按識既老當筆亦爽健。

○因氣生痰。痰凝氣滯。而中焦之道路塞矣。由是飲食不得下行。津液不得四布。不飢不食。口燥便堅。心悸頭運。經兩月不愈。以法通調中氣。庶無噎隔腹滿之慮。

旋覆代赭湯加石菖蒲 枳實 陳皮

詒按論病則源流俱澈。用藥則標本兼到。細膩熨帖。傳作何疑。

○中氣叠傷。不能健運。朝食暮吐。完穀不腐。診得脈虛。

色黑。腰腳少力。知不獨胃病。腎亦病矣。此豈細故哉。

人參 附子 川椒 茯苓 益智仁

再診 前方去川椒益智 加川連 肉桂

詒按完穀不腐。色黑腰軟。腎傷之徵也。改方加桂

連。是交濟法。

門人趙樹誠同校
族弟 寶慶

評選靜香樓醫案卷下

江陰柳氏醫學叢書之五

長洲尤怡在涇著

江陰柳寶詒穀孫選評

及門諸子參校

伏氣關

○肝陰素虧。溫邪擾之。發為瘧病。神昏。齧齒。瘧癘不定。法當滋養肝陰。以榮筋脈。清滌痰熱。以安神明者也。若能應手。尚可無慮。

羚羊角 茯神 鈎藤 貝母 阿膠 鮮菖蒲

竹瀝

論按此證若表邪未解當去阿膠加小生地或鮮生地

又按此係伏氣發溫之證與外感風溫有外內之別此證邪由少陰外發潰入厥陰故見證如此羚羊角鈎藤熄風清熱皆治標之品也若圖其本當從陰分托邪俾得外達三陽再與隨經清泄乃奏全功病原治法詳載溫熱逢原中茲不贅述

○熱傷津液脈細口乾難治

蘆根 知母 川斛 蔗漿 細生地 麥冬

甘草 梨汁

詒按此存陰泄熱之正法。所云難治。想因脈細之故。

○熱不止。頭痛不已。紫斑如錦紋。咽痛。表裏邪盛。最爲重證。

犀角 豆豉 赤芍 元參 牛蒡 丹皮

黃芩 甘草

詒按當加鮮生地

再診 去豆豉丹皮 加桔梗 鮮生地 射干

○熱病十二日不解。舌絳口乾。胸滿氣促。邪火爲患。亦已甚矣。宜景岳玉女煎。清熱而存陰。否則神識昏冒矣。

鮮生地 石膏 麥冬 知母 竹葉 甘草

論按此氣血兩燔之治法。

○熱病四日。不汗而舌黃。腹中痛下利。宜先裏而後表。不爾恐發狂也。

大黃 柴胡 枳實 厚朴 赤芍

論按先裏後表。因裏證已急。於病機固當如是。

○舌乾脈數。汗為熱隔。雖發之亦不得。惟宜甘寒養液。雖不發汗。汗當自出。然必足溫而後熱退乃吉。

青蒿 知母 蘆根 生地 蔗漿 竹葉

論按養液以為作汗之源。是治溫要旨。

外感門

○頭面腫痛此風邪上盛宜辛涼解散

荆芥 杏仁 桔梗 牛蒡 薄荷 甘草

馬勃 蒼耳子

○風溫挾痰留滯上焦辛涼解散原爲合法時至自解不足憂也

牛蒡 連翹 薄荷 川貝 豆豉 杏仁

桔梗 葱白

論按此風溫初起之方

○風溫鬱於肺胃欬而胸滿痰多脇下痛脈數口乾

蘆根 薏米 瓜蒌 甘草 杏仁 紅花

桃仁 貝母

治按桃仁紅花因脇痛而用之以和血絡也若邪鬱可加豉勞口乾可加翹苓

○脈右大舌黃不渴嘔吐黏痰神躁語言不清身熱不解此勞倦內傷更感溼溫之邪須防變端

厚朴 茯苓 滑石 陳皮 竹葉 蔻仁

菖蒲根汁

治按此溫邪而挾溼者溼熱上蒙故證情如是此方可以爲法

濕病問

○臍中時有濕液腥臭。按脈素大。此少陰有濕熱也。六味能除腎間濕熱。宜加減用之。

六味丸去山藥 加黃蘗 葶藶 女貞子 車前子

論按六味治腎間濕熱。前人曾有此論。借以治臍中流液。恰合病機。

瘧疾問

○暑風成瘧。惡心胸滿。和解則愈。

半夏 黃芩 茯苓 知母 厚朴 陳皮

竹葉 生薑

論按小柴胡法之和解和其表裏兩岐之邪也。此之和解和其濕熱兩混之邪也。薑夏朴廣去其濕也。芩知竹葉清其熱也。兩意兼用故亦云和解也。又按此濕熱並重者故清燥兼用此與下條皆暑濕內伏發為時瘧之病。苦辛宣泄最為合法。若拘拘於瘧疾之成方。概用柴胡鼈甲則誤矣。

○暑風相搏發為時瘧。胸滿作噦。汗不至足。邪氣尙未清解。當以苦辛溫法治之。

- 藿香
 - 半夏
 - 杏仁
 - 通草
 - 厚朴
 - 廣皮
 - 竹葉
- 論按此濕重於熱者。故用藥稍偏溫燥。

○瘧發而上下血溢。責之中虛。而邪又擾之也。血去既多。瘧邪尚熾。中原之擾。猶未已也。誰能必其血之不復來耶。謹按古法。中虛血脫之證。從無獨任血藥之理。而瘧病經久。亦必固其中氣。茲擬理中一法。止血在是。止瘧亦在是。惟高明裁之。

人參 白朮 炮薑 炙草

詒按識見老確。議論精切。所立理中一法。誠屬血脫益氣固中止血之要藥。惟愚意所欲商者。瘧來而上下血溢。必因瘧疾之熱。擾及血絡而然。於理中法內。參用安營清絡之意。似乎更爲周到。且標

本兼顧於立方正意亦不相刺謬也。

○三瘧是邪伏陰分而發。非和解可愈。久發不止。補劑必兼升陽。引伏邪至陽分乃愈。

人參 歸身 鹿角膠 杞子 鹿茸 附子

茯苓 沙苑

詒按陰瘧本有此法。而不能概用此法。須相題爲之。

○瘧病方已。遂得脾約。脾約未已。又增厥疼。心腹時滿時減。或得身熱汗出。則疼滿立止。明係瘧邪內陷於太陰陽明之間。是必邪氣仍從少陽外達。則不治疼而疼。

自止。不治脹而脹自消矣。

詒按論病已得要領。惜方佚未見。

○瘧後脇下積癖作疼。夜熱口乾。溺赤陰虛邪伏。宜鼈甲煎。

鼈甲 白芍 青皮 丹皮 首烏 柴胡

知母 炙草

詒按此邪伏陰分之治法。當歸亦可加入。

○瘧後脇下積痞不消。下連少腹作脹。此肝邪也。當以法疏利之。

人參 柴胡 青皮 桃仁 茯苓 半夏

甘草 牡蠣 黃芩 生薑

詒按此小柴胡法也。加青皮以疏肝。桃仁以和痰。牡蠣以軟堅。用意可云周到。惟少腹作脹。乃肝邪下陷之證。若再加川棟子歸尾延胡似更完密。

○瘧止復發。汗多作嘔。中氣虛逆。宜益陽明。

半夏 茯苓 廣皮 人參 石斛 蘆根 薑汁

再診 寒熱已止。汗嘔並減。宜和養營衛。

人參 桂枝 石斛 廣皮 歸身 炙草

麥冬 白芍

詒按此膏梁虛體治法。兩方俱清穩熨帖。

黃廬問

○面黑目黃。脈數而微。足寒至膝。皮膚爪甲不仁。其病深入少陰。而其邪則仍自酒濕得之。及女勞也。

腎氣丸

詒按此證載在金匱。近於愛廬醫案中。見一方甚佳。○此病兼有瘀血。不但濕也。腎氣丸能否見效。尙未可定。

○面目身體悉黃。而中無痞悶。小便自利。此仲景所謂虛黃也。卽以仲景法治之。

- 桂枝
- 黃耆
- 白芍
- 茯苓
- 生薑
- 炙草

大棗

詒按案明藥當

○濕停熱聚。上逆則咽隘不利。外見則身目爲黃。下注則溺赤而痛。

茵陳 厚朴 豆豉 木通 猪苓 橘紅

茯苓 黑梔

詒按論病能一縷穿成。用藥自絲絲入籠。又按咽隘不利。可加桔梗前胡之類。

痺氣門

○胷背爲陽之分。痺着不通常通其陽。蓋陽不外行而

鬱於中。則內反熱。而外反寒。通陽必以辛溫。而辛溫又礙於藏氣。擬辛潤通肺以代之。

紫苑三兩煎湯服

詒按此巧法也。特未知效否若何。

○濕邪鬱遏。陽氣不宣。外寒裏熱。胸滿溺赤。宜開達上焦。

紫苑 桔梗 鬱金 白蔻 枳殼 杏仁

貝母 甘草

詒按此治肺痺之正法。

○氣窒不散。便閉喘急。不能偃卧。猝難消散也。

靜香樓醫案

卷下

痺氣

八

惜餘小舍

紫苑 葶藶 厚朴 杏仁 橘紅 鬱金

枳殼

詒按此證較前更急兼有便閉故用藥從中焦泄降。

再診 大黃 厚朴 檳榔 枳殼 杏仁

詒按輕劑不效故更與通腑以泄肺

○胸中為陽之位陽氣不布則窒而不通宜溫通不宜清開愈開則愈窒矣。

桂枝 茯苓 乾薑 炙草 益智仁

詒按再參入開痺之品如杏苑橘桔等似更靈動。

○食入則胸背痞塞作脹噫氣不舒此陽氣不通宜辛通之法。

草薢仁 半夏 桂枝 茯苓 乾薑 炙草

詒按此證亦與胸痺相似。

臍腹痛門

○虵厥心痛痛則嘔吐酸水手足厥冷宜辛苦酸治之。

川連 桂枝 歸身 延胡 烏梅 川椒

茯苓 川棟子 炮薑

詒按此烏梅丸法也。

○此腎厥也。心疼背脹引及腰中。議用許學士香茸丸。

鹿茸 杞子 沙苑 大茴香 麝香

詒按寒襲於腎而氣上逆故用溫養。脹及腰背者。督陽不用也。鹿茸溫通督脈。麝香開泄濁陰。故以之為君。

○脈絃小腹痛。食後胃脘痛。上至咽喉。肝火乘胃。宜泄厥陰和陽明。

川棟子 木通 茯苓 甘草 石斛 木瓜

詒按擬加延胡山梔仁。

○心腹痛。脈絃色青。是肝病也。

川棟子 歸身 茯苓 石斛 延胡 木瓜

論按立方穩合。

癧癧門

○臍下積塊。捫之則熱。病者自言前後二陰俱覺熱痛。其爲熱結可知。况自來之病。皆出於肝耶。鄙見非泄厥陰不能獲效。

龍薈丸五十粒酒下

○絡病癧痺。左脇板實。前年用蟲蟻通血。升降開發已效。但胸腕似是有形。按之微痛。前藥太峻。茲用兩調氣血以緩法圖之。

醋炒延胡 薑黃 阿魏 桃仁 生香附

麝香 歸鬚 爲末蜜丸每服二錢

治按承前方來雖曰兩調氣血而仍以疏瘀爲主○脈虛數色白不澤左脇有塊杯大大便小便自利病在肝家營血不和此爲虛中有實補必兼通

白朮 歸身 炙草 白芍 生地 茯苓

琥珀 廣皮 桃仁 紅花 沉香 鬱金

治按方治親切不膚

○時病食復至今不知飢飽大便不爽右脇之旁虛里天樞隱隱有形此陽明胃絡循行之所多暖氣不化並不煩渴豈是攻消急驅實熱之證耶擬用丹溪泄木安

土法

小温中丸

如半月後有效仍以前法

詒按此中焦濕積阻結之證

○左脇積塊日以益大按之則痛食入不安凡痞結之處必有陽火鬱伏於中故見煩躁口乾心熱等證宜以苦辛寒藥清之開之然非易事也

川連

枳實

香附

川芎

神麴

茯苓

青皮

赤芍

詒按脇塊有形益大則營絡必窒似宜兼通乃效

○大腹右有形爲聚脈大食入卽作脹治在六府

白朮 茯苓 廣皮 生香附汁 三稜 厚朴

草果 山查

論按方以疏通氣分為主。

○心下高突。延及左脇有形。漸加腹脹。思正月暴寒。口鼻吸受冷氣。入胃絡膜原。清陽不用。濁陰凝阻。胃氣重傷。有單腹之累。殊非小恙。

厚朴 草果 半夏 乾姜 茯苓 藜蘆

另蘇合香丸一粒化服

論按寒邪閉於營絡。故用溫通方中。可加桂枝。

腫脹門

○脈遲胃冷腹脹氣攻胸脇惡心少食泄瀉宜振脾胃之陽。

乾薑 益智仁 半夏 厚朴 神麴 檳榔

川椒 茯苓

論按此溫中調氣法也。

○命門陽衰脾失溫養不克健運食入輒脹法當溫補下焦。

腎氣丸去桂 加沉香椒目

論按此補火生土之法。

○濕熱內陷太陰而成脹。

茅朮 川蘖 厚朴 陳皮 桑皮 木通

澤瀉 大腹皮 草果仁

論按此專治脾土濕熱古方小溫中丸亦可服

○脈微遲左脇宿痞腹漸脹大便溏溺少此是濁陰上攻當與通陽

熟附子 遠志 椒目 小茴香 澤瀉 茯苓

論按此溫通治脹之正法

○脾氣本弱而更受木剋剋則益弱矣由是脾健失職食入不消遂生脹滿脾愈弱則肝愈強時時攻逆上下有聲半載之疾年逾六旬非旦夕可圖也

人參 茯苓 川棟子 查核 甘草 木瓜

白芍 吳萸 橘核

論按此肝脾兩治而偏重於肝者以其不特脹滿而兼有攻逆之證也

○脈絃中滿病在肝脾

人參 吳萸 木瓜 厚朴 廣皮 半夏

論按此肝脾兩治之正法立方精簡可法

○右關獨大而搏指知病在中焦飲食不化痞悶時痛積年不愈喉間自覺熱氣上衝口乾作苦舌苔白燥此脾家積熱鬱濕當以瀉黃法治之

茅朮 葛根 茯苓 石膏 藿香 木香

論按此病滿門中不常見之證存之以備一格

○脈證合參乃氣結在上津不運行蒸變濁痰由無形漸變有形徐之才謂輕可去實非膠固陰藥所宜

白菴 薏仁 杏仁 厚朴 枇杷葉汁 降香汁

論按此方具有輕清靈三字之妙

○勞鬱交傷營衛不和胸中滿痛時有寒熱與六淫外感不同治宜和養氣血

逍遙散

論按再增枳朴等寬中之品則更周到矣

○脾以健運爲職。心下痞不能食。食則滿悶。脾失其職矣。但健運之品迂緩無功。宜以補瀉升降法治之。

人參 乾薑 半夏 茯苓 川連 枳實

陳皮 生薑

論按此方仿瀉心法加味。

○脇下素有痞氣。時時衝逆。今見中滿。氣攻作痛。吞酸嘔吐。能俯而不能仰。此厥陰鬱滯之氣。侵入太陰之分。得之多怒且善鬱也。病久氣弱。不任攻達。而病氣久鬱。亦難補養。爲掣肘耳。姑以平調肝胃之劑。和之痛定。食進。方許萬全。

半夏 廣皮 川棟子 橘核 茯苓 青皮

炙甘草 木瓜

治按審察病機至為精細立方亦周到熨帖

○胃陽衰憊氣阻痰凝中脘不快食下則脹宜辛溫之品治之。

草果仁 厚朴 茯苓 半夏 甘草 檳榔

治按此溼痰阻遏中宮之證

○熱結氣閉腹脹便難

厚朴 杏仁 滑石 黃芩 大腹皮 茯苓皮

木通

論按此運中兼泄熱法也。

○腹脹面浮跗腫。食不下欲嘔。脾虛受溼。健運失常。非輕證也。

茅朮 茯苓 廣皮 桑皮 木通 厚朴

澤瀉 半夏 猪苓

論按此運中利溼法也。

○面黑目黃。腹滿足腫。囊腫。溼熱壅滯。從脾及腎。病深難治。

蒼朮 製軍 厚朴 陳皮 木通 茵陳

猪苓 椒目 澤瀉

詒按邪機壅滯正氣已傷故云難治

○卧則喘息有音此腫脹乃氣壅於上宜用古人開鬼門之法以治肺通表

麻黃 杏仁 薏仁 甘草

詒按此兼喘逆故專治肺

○風溼相搏面浮腹滿足腫大小便不利

杏仁 蘇子 厚朴 陳皮 猪苓 大腹皮

薑皮 木通

詒按此表裏兩通法也

○腫脹之病而二便如常肢冷氣喘是非行氣逐水之

法所能愈者矣。當用腎氣丸行陽化水。然亦劇病也。

腎氣丸

論按此病陽衰氣窒。不治之證也。

頭痛門

○火升頭痛耳鳴。心下痞滿。飯後卽發。此陽明少陽二經痰火交鬱。得食氣而滋甚。與陰虛火炎不同。先與清理。繼以補降。

竹茹 茯苓 橘紅 炙草 半夏 羚羊角

石斛 嫩鈎藤鈎

論按案語分析病機。極其圓到。惟立方似未恰合。

陽明藥少宜加知母枳實

○頭疼偏左耳重聽目不明脈寸大尺小風火在上姑
為清解

羚羊角 生地 甘草 菊花 丹皮 石決明

連翹 薄荷

論按此內風而兼外感者故清散兼施

○風熱上甚頭痛不已如鳥巢高巔宜射而去之

製軍 犀角 川芎 細茶

論按此雖前人成法而選藥頗精簡○據此則大
黃當用酒炒以使之上行

肢體諸痛門

○風邪中入經絡。從肩膊至頂強痛。舌乾唇紫而腫。痛處如鍼刺之狀。此是內挾肝火。不宜過用溫散。惟宜養陰熄肝火而已。

羚羊角 細辛 甘菊 黃芩 鈎勾 秦朮 丹皮

○詒按。因唇紫舌乾。故知內挾肝火。方中黃芩。不若山梔為當。

○頂背痛如刀割。治宜養血通絡。

桂枝 鈎藤 白芍 知母 羚羊角 阿膠

炙草 生地

詒按擬去知母加歸鬚刺蒺藜絲瓜絡

○身半以上痛引肩臂風溼在於太陰之分行動則氣促不舒胸膈高起治在經絡

大活絡丹

詒按擬用旋覆新絳湯送下

○脾腎寒溼下注右膝腫痛而色不赤其脈當遲緩而小促食少輒嘔中氣之衰亦已甚矣此當以和養中氣爲要腫痛姑置勿論蓋未有中氣不復而膝得愈者也

人參 半夏 木瓜 炒秫米 茯苓 廣皮

益智仁

詒按、議論明通。

○背脊為督脈所過之處。風冷乘之。脈不得通。則惡寒而痛。法宜通陽。

鹿角霜 白芍 炙草 桂枝 歸身 半夏

生薑 南棗

詒按、方中半夏無所取義。擬再加杜仲、狗脊以通陽。

○身痛偏左。血不足。風乘之也。

半夏 秦朮 歸身 廣皮 茯苓 丹參

淨身瘦弱... 肢體諸痛... 昔徐小倉

川斷 炙草

詒按案只一二句。却有簡逸之致。

○久欬脇痛。不能左側。病在肝。逆在肺。得之情志難。以驟驅。治法不當求肺。而當求肝。

旋覆花 丹皮 桃仁 鬱金 狸絳 甘草

牛膝 白芍

詒按。審證用藥。巧力兼到。○擬再加青皮桑皮紫

蘇山梔瓦楞子殼

○脇疼遇春即發。過之即止。此肝病也。春三月肝木司令。肝陽方張。而陰不能從。則其氣有不達之處。故痛。夏

秋冬肝氣就衰與陰適協故不痛也。

阿膠 白芍 茯苓 丹皮 茜草 炙草

鮑魚湯代水

詒按樸實說理絕無躲閃方用膠芍鮑魚滋肝配陽亦覺妥帖易施。

○風氣乘虛入於腎絡腰中痛引背脇宜寄生湯補虛通絡祛風。

生地 歸身 黑大豆 獨活 山藥 白蒺藜

杜仲 炙草 桑寄生

詒按立方妥帖層折俱到。

靜香樓醫案 送下 肢體諸痛 七 惜餘小舍

○脈數耳鳴吐痰。天柱與腰膝痠痛。兩足常冷病屬陰。虧陽升法當填補實下。

熟地 鹿角霜 兔絲子 山藥 萸肉 杞子

龜板膠

諸藥開

○風熱蓄於腦髓。發為鼻淵。五年不愈。此壅疾也。壅則宜通。不通則不治。

犀角 蒼耳子 黃芩 鬱金 杏仁 蘆根

詒按。既欲其通。則辛夷白芷似不可少。

○肺之絡會於耳中。肺受風火。久而不清。竅與絡俱為

之閉所以鼻塞不聞香臭耳聾耳鳴不聞音聲也茲當
清通肺氣

蒼耳子 薄荷 桔梗 連翹 辛夷 黃芩

山梔 杏仁 甘草 木通

詒按語云耳聾治肺觀此信然

○少陽之脈循耳外走耳中是經有風火則耳膿而鳴
治宜清散

薄荷 連翹 甘菊 芍藥 黃芩 刺蒺藜

甘草 木通

詒按案既老當方亦清靈

○腎虛齒痛入暮則發非風非火清散無益

加減八味丸 每服三錢鹽花湯下

詒按立方精到

脚氣門

○厥陰之邪逆攻陽明始為腫痛繼而腹疼胸滿嘔吐此屬脚氣衝心非小恙也擬外臺法治之

犀角 檳榔 茯苓 枳實 杏仁 橘紅

半夏 木通 木瓜

再診 半夏 木瓜 廣皮 蘆根 枳實 茯苓

竹茹 枇杷葉

論按脚氣一證。前人歸入類傷寒中。必憎寒壯熱。病與傷寒相似。甚則有衝心之患。故謂之重證。外臺有大犀角湯。及風引湯。後人有雞鳴散等方。均爲專治脚氣之重劑。乃今時所謂脚氣者。則以脚膝痠爽而腫者。謂之溼脚氣。不腫者。謂之乾脚氣。專用防己。木瓜。牛膝。薏米等風溼之藥治之。與前人所稱者。大相逕庭。學者不可不辨。

遺精關

○遺精無夢。小勞卽發。飢不能食。食多卽脹。面白唇熱。小便黃赤。此脾家溼熱。流入腎中。爲遺滑。不當徒用補。

瀉之藥。恐積熱日增。致滋他族。

葶藶 砂仁 茯苓 牡蠣 白朮 黃蘗

炙草 山藥 生地 猪苓

詒按此等證早服補瀉每多愈服愈甚者先生此案可謂大聲疾呼

再診 服藥後遺滑已止唇熱不除脾家尙有餘熱故也

前方去砂仁黃蘗 加川連苦參

詒按唇熱屬脾

○少陰爲三陰之樞。內司啟閉。虛則失其常矣。法宜填

補少陰。或通或塞。皆非其治。

六味丸去瀉。加兔絲子沙苑杞子。

治妄止補腎之平劑。可以常服無弊。

○遺精傷腎。氣不收攝。入夜卧著。氣冲上膈。腹脹呼吸不通。竟夕危坐。足跗浮腫。清冷小便漸少。此本實先撥枝將敗矣。難治之證也。

都氣丸 加牛膝肉桂

詒按此陰陽兩損。氣不攝納之重證。舍此竟無良法。然亦未能必效也。

○陰虧陽動。內熱夢泄。

六味丸 加黃蘗砂仁

論按六味合封髓法也亦妥帖易施

小便閉

○兩尺軟弱根本不固小便渾濁病在腎藏久久不愈則成下消

六味丸 加天冬 麥冬 杞子 五味子

論按方法穩切

○形惟體豐脈得小緩凡陽氣發泄之人外似有餘內實不足水穀之氣不得陽運醜屋下注而為濁病已三四年矣氣墜宜升陽為法非比少壯陰火自灼之病

兔絲子 茴香 車前子 韭子 漢藜 茯苓

覆盆子 蛇床子 黃魚骨搗丸每服五錢

詒按此證當以脾土爲主。但與溫養下元尙非潔源清流之道。

又按此與相火下注者不同。故用藥如是。

○煩勞四十餘天。心陽自亢。腎水暗傷。陽墜入陰。故洩數便。血不覺管。壅痛痺。實與淋證不同。其中雖不無溼熱。而寢食安然。不必滲泄利溼。宜甯心陽。益腎陰。宜通腎氣以和之。

熟地炭 人參 覆石斛 丹皮 澤瀉 茯苓

遠志 柏子仁 湖蓮肉

詒按此治本之方由其論病親切故立方自穩。

泄瀉

○惱怒傷中。溼熱乘之。脾氣不運。水穀併趨大腸而爲泄。腹中微疼。脈窒不和。治在中焦。

藿梗 川朴 神麴 澤瀉 茯苓 陳皮

扁豆 木瓜

詒按此方妙在木瓜一味兼能疎肝須知此意乃識立方選藥之妙。

又按案中脈窒句不甚明了。

痢疾門

○暑溼外侵經絡則爲瘧。內動腸藏則爲痢。而所恃以攘外安內者。則在胃氣。故宜和補之法。勿用攻削之劑。恐邪氣乘虛。盡入於裏也。

詒按案語殊妙。惜此方之佚也。

大便門

○氣鬱不行。津枯不澤。飲食少。大便難。形瘦脈澹。未可概與通下。宜以養液順氣之劑治之。

生地 當歸 桃仁 紅花 枳殼 麻仁

甘草 杏仁

論按此氣阻液枯之證擬加鮮首烏

○大便閉結水液旁流便通則液止矣

大承氣湯 加甘草

論按據吳鞠通之論用調胃承氣法爲穩

再診 前方加當歸 白芍

三診 改用製軍 加薜桂 厚朴

○下血後大便燥閉不爽繼而自利白滑膠黏日數十行形衰脈沈必因久伏水穀之淫府病宜通以溫下法

生茅朮 製軍 熟附子 厚朴

論按自利膠滑有因燥矢不行氣迫於腸而脂膏

自下者當專行燥矢兼養腸液未可概以溼論也
○脾約者津液約束不行不飢不大便備嘗諸藥中氣
大困仿古人以食治之法

黑芝麻 杜蘇子

一二味煎濃汁如飴服三五日即服人乳一杯燉溫入
薑汁二匙

詒按此無法之法也良工心苦矣

○便血不獨責虛亦當責溼所以滋補無功而疏利獲
益也茲足痿無力其溼不但在脾又及腎矣當作脾腎
溼熱成痺治之

草薺 薏仁 白朮 石斛 牛膝 生薑

詒按案語明確方亦簡當

○瀉痢便血五年不愈色黃心悸肢體無力此病始於脾陽不振繼而脾陰亦傷治當陰陽兩顧為佳

人參 白朮 附子 炙草 熟地 阿膠

伏龍肝 黃芩

詒按此理中合黃土湯法也方案俱切實不膚

○鼻癢心辣大便下血形瘦脈小而數已經數年

黃芩 阿膠 白芍 炙草

詒按此陰虛而有伏熱之證方特精簡

外傷

○肝經液聚氣凝為項間痰核病雖在外其本在內切不可攻攻之則愈甚矣

首烏 象貝 白芍 牛膝 甘草 牡蠣粉

歸身 生地 丹皮

詒按議論平和立方清穩○牡蠣粉一味可以化

痰消堅

○瘍證以能食為要茲先和養胃氣

石斛 茯苓 益智仁 穀芽 木瓜 廣皮

詒按案語片言居要惟用藥嫌少力量

○脈虛細數。陰不足也。鼠漏未愈。熱在大腸。

六味丸 加杞子 天冬 龜板 黃蘗 知母

五味子

詒按此肛門漏也。名爲鼠漏。未。知。所。本。脈。證。已。屬。損。象。故。以。滋。補。肝。腎。爲。主。

婦人門

○脾虛生溼。氣爲之滯。血爲之不守。此與血熱經多者不同。

白朮 澤瀉 白芍 廣皮 炙草 茯苓

牛角腮灰 川芎

論按認證既的藥亦絲絲入筥

○腹滿足腫泄瀉此屬胎水得之脾虛有溼

白朮 茯苓 澤瀉 廣皮 厚朴 川芎

蘇葉 薑皮 黃芩

論按方案俱老當

○胎前喘欬腫滿是脾濕不行上侵於肺手足太陰病也治在去溼下氣

茯苓 陳皮 白芍 澤瀉 厚朴 當歸

蘇梗 杏仁

論按方頗靈動再加紫苑枇杷葉何如

○產後惡露不行。小腹作痛。漸見足腫。面浮喘欬。此血滯於先。水漬於後。宜兼治血水。如甘遂大黃之例。

紫苑 茯苓 桃仁 牛膝 青皮 杏仁

山查肉 小川朴 延胡

論按。用其例而易其藥。因原方太峻也。

再診 瘀血不下。走而上逆。急宜以法引而下之。否則衝逆成厥矣。

歸身 滑石 蒲黃 通草 牛膝 瞿麥

五靈脂 赤芍

三診 膈寬而腹滿。血瘀胞中。宜以緩法下之。

大黃 青皮 炙草 丹皮 桃仁 赤芍 歸身
又丸方

牛膝 一兩 赤芍 延胡 蒲黃 五靈脂 川芎

桂心 桃仁 各五錢 歸尾 丹皮 各八錢

詒按迭換四方一層深一層次序秩然恰與病機
宛轉相赴

○胎前病子腫產後四日卽大泄泄已一笑而厥不省
人事及厥回神清而左脇前後痛滿至今三月餘矣形
瘦脈虛食少少腹滿足腫小便不利此脾病傳心心不
受邪卽傳之於肝肝受病而更傳之於脾也此爲五藏

相賊與六府食氣水血成脹者不同所以攻補遞進而
絕無一效也宜泄肝和脾法治之

白朮 木瓜 廣皮 椒目 茯苓 白芍

詒按此等證情非胸中有古書者不能道隻字

門人趙樹誠同校
族弟寶慶

江陰柳氏醫學叢書之六

評選繼志堂醫案兩卷

右繼志堂醫案兩卷曹仁伯先生所著也先生諱存心字仁伯別號樂山係常熟之福山人幼時讀書穎悟長老咸目爲令器願以家道不豐一矜不足裕衣食遂謀習醫從薛性天先生遊薛故郡中名宿得先生劇賞之謂將來光吾道者必曹生也先生居薛所十年熒燈燂掌上自靈素下逮薛喻諸家無不研求貫串乃出應病者之求輒奏奇效先生嘗言醫者存心須視天下無不可治之病其

不治者皆我之心未盡耳故其臨病人也研精覃思直以一心貫乎病者之食息起居而曲折無不周至每有劇病他人所棄而不治者先生獨能運以精思而以數劑愈之古人謂生死肉骨先生誠有之焉先生又言每遇病機叢雜治此礙彼他人莫能措手者必細意研求或於一方中變化而損益之或合數方爲一方而融貫之思之思之鬼神通之苦心所到必有一恰合之方投之而輒效者以是知醫者之於病稍涉危疑卽目爲不治而去之者其不盡心之過爲不少也嗟乎先生之言如

此卽先生居心之篤厚與藝事之精能蓋皆卽是而可見矣先生所著有琉球百問繼志堂語錄過庭錄延陵弟子紀略諸書經先生之孫博泉五年哀集鈔行楊太常濱石序之先生之行誼備詳於許君廷誥所撰家傳中先生以醫名著繼葉薛諸公而起德被吳中名馳海外至今人能道之特其所著醫案於過庭錄延陵弟子紀略外未有傳本今年夏偶於友人處得見其門弟子所錄存者惜中多闕誤因假歸鈔錄爲之次第整理刪其繁亂擷其精粹間或贅以評語以發明其用意之所在

鈔成上下兩卷俾後人讀之猶可想見其診病時
危坐構思旁若無人之概云光緒二十六年庚子
八月江陰柳寶詒識